



Reykjavík, 9. maí 2019

R19050087

bb

Mannréttinda- og lýðræðisráð

Tjarnargötu 11  
101 REYKJAVÍK

***Tillaga um heildstætt áatak gegn fordómum og hatursorðræðu***

Á sameiginlegum fundi borgarstjórnar þann 30. apríl 2019 var svohljóðandi tillögu fjölmenningarráðs vísað til meðferðar mannréttinda- og lýðræðisráðs:

Lagt er til að Reykjavíkurborg fari í heildstætt áatak gegn fordómum og hatursorðræðu í garð innflytjenda í þeim tilgangi að stuðla að þróun samfélags þar sem allir samfélagsþegnar fái að lifa með reisn, í sátt og samlyndi. Átakið gæti snúið fyrst að vinnustöðum Reykjavíkurborgar og svo að samfélagini í heild sinni með það að markmiði að auka vitund um fjölbreytni samfélagsins, hvetja til jákvæðara orðfærис og raungera hin auknu gæði og tækifæri sem fjölbreytileiki felur í sér. Ekki síst er mikilvægt að efla faglega þekkingu starfsfólks Reykjavíkurborgar á menningarnæmi og -færni.

Það tilkynnist hér með.

Greinargerð fylgir tillöggunni.

Borgarfulltrúi Flokks fólksins leggur fram svohljóðandi bókun:

Þetta er málefni sem má aldrei gleyma að tala um. Spurning er um útfærslu sem getur verið með margskonar hætti og þarf að koma inn á sem flest svið samfélagsins. Langflestir eru sammála um að vilja eyða allri hatursorðræðu og fordómum úr samfélagini. Vissulega hefur árangur náðst en betur má ef duga skal. Hvert tilfelli er einu of mikið. Hatursorðræða og fordómar birtast nú hvað helst með rafrænum leiðum á síðum stundum undir fölskum prófilum. Einhverjur taka þátt og dreifa og þannig berst hatur og fordómar hratt út. Það sem gerir rafræna hatursorðræðu erfiðari er að ekki sé vitað hver stendur á bak við hana. Borgarfulltrúi Flokks fólksins hefur áhyggjur af börnunum þegar kemur að hatursorðræðu á netinu. Fullorðnir, foreldrarnir ekki síst þeirra fyrirmyn dir. Orðum fylgir ábyrgð. Við þurfum öll að hjálpast að til að stuðla að jafnrétti, virðingu, mannréttindum og fjölbreytileika. Eitt af meginmarkmiðum ætti því að vera að stuðla að vitundarvakningu um hatursároður og hatursorðræðu á netinu með það að leiðarljósi að vernda börnin og vara þau við. Við þurfum að kenna þeim mikilvægi miðlalæsis og styðja þau í að verja mannréttindi og auka vitund gegn hatursároðri á netinu.

Helga Björk Laxdal  
e.u.

Hjálagt:

Tillaga um heildstætt áatak gegn fordómum og hatursorðræðu

## Tillaga um heildstætt átak gegn fordómum og hatursorðræðu

Lagt er til að Reykjavíkurborg fari í heildstætt átak gegn fordómum og hatursorðræðu í garð innflytjenda í þeim tilgangi að stuðla að þróun samfélags þar sem allir samfélagsþegnar fái að lifa með reisn, í sátt og samlyndi. Átakið gæti snúið fyrst að vinnustöðum Reykjavíkurborgar og svo að samféluginu í heild sinni með það að markmiði að auka vitund um fjölbreytni samfélagsins, hvetja til jákvæðara orðfærис og raungera hin auknu gæði og tækifæri sem fjölbreytileiki felur í sér. Ekki síst er mikilvægt að efla faglega þekkingu starfsfólks Reykjavíkurborgar á menningarnæmi og -færni.

### Greinargerð

Í Reykjavík búa 18.470 innflytjendur og tæplega 14% mannfjölda í Reykjavík eru af erlendum uppruna. Hjá verkefninu Intercultural Cities hjá Evrópuráðinu er hægt að finna skilgreiningu á fjölmennigarlegri borg: „Borg sem hýsir fólk af ólíku þjóðerni, uppruna með ólíku tungumáli og/eða trú/átrúnaði. Pólítiskir leiðtogar og flestir íbúar huga að fjölbreytni með jákvæðni að leiðarljósi og sjá fjölbreytt mannlíf sem mannaud. Borgin er virk í að sporna gegn fordómum og aðlagar stjórnarhætti sína, stofnanir og þjónustu að fjölbreyttum þörfum borgarbúa. Borgin gerir áetlanir og býr yfir verkfærum til að vinna með fjölbreytni og bregðast við menningarlegum átökum. Svo hvetur borgin til aukinna og gagnkvæmra samskipta milli fjölbreyta hópa í almannarými“. [1]

Mikilvægt er að fordómar, einelti, mismunun og áreitni gegn innflytjendum á vinnustöðum Reykjavíkurborgar verði ekki liðið og stjórnendur þurfa að bregðast við á grundvelli mannréttindastefnu Reykjavíkurborgar, laga um jafna meðferð á vinnumarkaði, laga um jafna meðferð óháð kynþætti og þjóðernisuppruna og stefnu Reykjavíkurborgar gegn einelti, áreitni og ofbeldi á vinnustöðum, þegar þeir verða varir við slíka hegðun innan vinnustaðarins. Lagt er til að farið verði í sérstakt fræðslu- og eftirlitsátak þar sem stjórnendur Reykjavíkurborgar verði upplýstir um skyldur þeirra samkvæmt ofantöldum stefnum og lögum. Framkvæmd tillagnanna felst í því að veita fræðslu og forvarnir á vinnustöðum Reykjavíkurborgar með sérstakri fræðslu til þeirra sem vinna með börnum í skóla-, íþrótt- og æskulýðsstarfi sem og foreldrum þeirra. Fræðslu um birtingarmyndir fordóma, eineltismál tengd því og viðbrögð við því verði komið á og viðhaldið reglulega, sérstaklega meðal þeirra sem vinna með börn og ungmenni. Einnig má beina sjónum á starfsstöðvar sem vinna í framlínunni við að veita þjónustu við íbúa af erlendum uppruna. Í MA-rannsóknarverkefni Nadíu Borisdóttur frá 2016 um starf félagsráðgjafa í barnavernd með fjölskyldum af erlendum uppruna kom t.d. fram að þörf sé á meiri fræðslu í þessum efnum og af frásögnum félagsráðgjafa að dæma þá er þörfin afar brýn. Ljóst er að félagsráðgjafar leggja áherslu á fræðslu fagaðila í vinnu með fólk af erlendum uppruna. [2] Hér þyrfti mannréttindaskrifstofa að búa til kynningarefni sem stuðlar að vitundarvakningu um fordóma, einelti og hatursorðræðu, auka þekkingu á málefnum innflytjenda og stuðla að jákvæðri orðræðu í garð innflytjenda á vinnustöðum og í samféluginu sem heild.

Guðrún Pétursdóttir (2013) leitaði svara við spurningunni að hversu miklu leyti fólk af erlendum uppruna upplifir dulda fordóma og mismunun á Íslandi, hvar slík upplifun á sér helst stað og hvaða áhrif hún hefur á þá sem fyrir henni verða. Niðurstöður benda til þess að meirihluti fólk af erlendum uppruna upplifi reglulega virðingarleysi og mismunun sem vekur með þeim neikvæðar eða afar neikvæðar tilfiningar. Fram kom að 63% þátttakenda af erlendum uppruna hafa upplifað einhverja birtingarmynda fordóma fimm sinnum eða oftar en sambærilegt hlutfall var 6% meðal Íslendinga. 36% fólk af erlendum uppruna hefur upplifað

fordómafulla framkomu gagnvart sér 10 sinnum eða oftar, en engir Íslendingar. 15% fólks af erlendum uppruna hafa upplifað fordóma oftar en 20 sinnum á 14 daga tímabili. Einnig kom fram að lítt munur var milli þjóðernishópa þegar skoðað var hversu margir upplifðu neikvætt viðmót einu sinni eða oftar á tveggja vikna tímabili. [3]

Frásagnir kvenna af erlendum uppruna í tengslum við #MeToo bytinguna einkenndust af fordóum, mismunun, markvissu niðurbroti, vanrækslu, útilokun og misnotkun. Margar konur af erlendum uppruna upplifðu það að hafa verið yfirgefnar og einangraðar af hálfu samfélagsins. Það að konur skyldu stíga hér í sameiningu fram opnaði augun samfélagsins sem hafði lengi annað hvort ekki vitað af eða horft fram hjá þeim fjölmörgu brotum gegn konum af erlendum uppruna. Margar þessara kvenna upplifðu sig ekki öruggar og mörgum fannst þær ekki eiga sama rétt til verndar eða jafnrar stöðu í íslensku samfélagi. Enn heyrst varla opinber umræða um stöðu alviðkvæmasta fólksins af erlendum uppruna sem er hinsegin og fatlað og mikilvægt að fylgjast með því hvort það verður fyrir fordóum, einelti, mismunun eða áreitni. Slík áatak eins og hér er lagt til væri tækifæri til að koma betur til móts við fólk af erlendum uppruna almennt og sér í lagi konur, hinsegin eða fatlað fólk og stuðla að virkni og félagslegri þátttöku þeirra í samféluginu.

Mikilvægt er að horfast í augu við hvernig sífelldar niðrandi umræður um útlendinga, flóttafólk og aðra minnihlutahópa á grundvelli uppruna, trúar, kynhneigðar eða réttarstöðu hafa þróast í vesturlöndum á undanförnum árum, eigi síður hérlandis. Einungis þarf að lesa ummæli og umræður sem birtast undir fréttum um ofantala hópa á vefmiðlum hér á landi til að skilja að slíkar umræður ala á andúð og fordóum sem við viljum helst losa okkur við. Slík ummæli sem beinast að minnihlutahópum gagnast einungis þeim sem vilja halda jaðarsettum hópum neðst í samféluginu og jafnvel til að réttlæta útskúfun, ofbeldi og fordóma.

Það er mikilvægt að hafa í huga varðandi þróun samfélagsins að nemendur af erlendum uppruna eru tvöfalt líklegrir til að verða fyrir einelti í grunnskólum en nemendur af íslenskum uppruna. Þetta er meðal niðurstaðna í BA-rannsókn Bylgju Sigmarsdóttur frá árinu 2016. [4] Ekkert þrífst jafnvel í skugga haturstjáningar og einelti. Nýlega var birt frétt af alvarlegu atviki í Grafavogi þar sem hópur af íslenskum unglingspiltum plötuðu dreng af erlendum uppruna til að hitta þá hjá verslunarkjarna þar sem þeir biðu eftir honum til þess að ráðast á hann. Í fréttinni var sagt að drengur af erlendum uppruna hafi verið „kallaður skítugur útlendingur“ og að þeir hafi skipað honum að sleikja skóna sína. Þegar hann neitaði var ráðist á hann og fékk hann högg í andlitið. [5]

Tillagan sem hér er lögð fram er þess vegna tækifæri fyrir Reykjavíkurborg til að vera leiðandi í samfélagslegri þróun sem einkennist af umburðarlyndi, samkennd og því að vera alvöru fjölmennингarborg eins og er skilgreint hjá Intercultural Cities.

- [1] Intercultural Cities Reykjavík: Results of the Intercultural Cities Index (2014) <https://rm.coe.int/CoERMPublicCommonSearchServices/DisplayDCTMContent?documentId=09000016802ff6de>
- [2] Nadia Borisdóttir (2016) Starf félagsráðgjafa í barnavernd með fjölskyldum af erlendum uppruna. <https://skemman.is/handle/1946/26389>
- [3] Guðrún Pétursdóttir (2013) Birtingarmyndir dulinna fordóma og mismunun í garð innflyttjenda á Íslandi. Íslenska þjóðfélagið, Vol 4 (2013)
- [4] Bylgja Sigmarsdóttir (2016) Einelti Afleiðingar, úrræði og staða barna með erlendan bakgrunn. [https://skemman.is/bitstream/1946/24393/1/Einelti\\_lokaritger%C3%B0.pdf](https://skemman.is/bitstream/1946/24393/1/Einelti_lokaritger%C3%B0.pdf)

[5] Ingunn Lára Kristjánsdóttir (2019) Fréttablaðið <https://www.frettabladid.is/frettir/hopur-af-unglingum-redst-a-erlendan-dreng-i-grafarvogi/>